

竹葉庵文集

竹葉庵文集卷二十六

吳縣 張填 商言

紅欄書屋擬樂府下

大聖樂

聖人制禮樂篇

維物之初曰瘖而聾賴庠先覺有聖人天位無私玉帛鼓鐘成  
就五倫月聖腹內一爻離中斷別開出文明真橐籥欽承久是  
生从冠婚陰陽清濁 天將以爲木鐸奈沃土之民淫乃弱半  
縱情踰制三分柔脆三分雕琢紉履袷巾循牆走已羣起皆瞽  
儒者學安能殼徧邨塾多師濂洛

六州歌頭

精微篇

鳴呼智勇不枉丈夫奇君不見山頭婦石嶷嶷望君歸不見江  
中女逆流上尋吾父結裙帶被頭髮負浮屍申喜當季爲蚤亡  
其母門外能知看渡河擁櫂弱息保門楣簡子哀之納爲妃  
彼詹尹者循牆走僂僂聽拂神龜謝不敏行吾道復奚疑子試  
思非人能爲也臧氏子豈能尼人所識駝維背虎維皮吾所永  
朝永夕盟其腦忠信爲基僂三門垣庫蟻有上天梯寸艸迎暉

白苧

白紵辭

爲君歌進君舞蘭干細軟象牀寶瑟皓齒青蛾美滿想容暉一  
季一度井闌換河漢蟋蟀鳴敗葉脫牆根西院何如今夜人醉  
銀袍錦襪恩愛淡直難擡起瑤妃腕如練一陣驚鴻短絃柔  
拍延佇花陰小倦哀寂寞靈修鳩媒誰薦流蘇蒜重把惺忪押

住但流香汗萬歲千秋祝鄉君王端坐椒殿妾忝當熊不似秋  
來扇

小重山

獨漉篇

獨漉歌成愁殺余泥濊三尺水算尋魚葑田不刷混溝渠源頭  
近好爲一分疏 清白鬼神扶居官先自鏡肯遭汙臨民則或  
不然與黃河大乃使細流俱

雲仙引

淮南王篇

眞定無家長陵見背雍州幾度淒涼遺孺子尚爲王月砂文字  
小技會客三千應較量叢桂落花八公永別誰鎖宮牆 璽書  
圖籍淪亡看中尉紛紛臨九江愛女情多逐如心很此怨傍徨

雞犬雲中鬼魂月下莫但含辛呼辟陽優歸華表再摩銅狄一段滄桑

瀟湘神

角顚二首

招隱來招隱來山空水淺桂花開尚有舊時賓客在支筇重上鍊月臺

雙黛顰雙黛顰女嬃重與晉申申不聽小山招隱後季季春艸誤王孫

霓裳中序第一

霓裳辭

和風動彩鳳製序分明畫眉筆點破貴妃金屐博得三郎幾聲將息新辭第一免不了寧王吹笛直舞到梨花祠下尚似霓裳

白凝碧潼關驚築永斷送華清宮  
睡蒲萄蜀錦千匹曾賞纏頭內  
家昇出驪山春艸色全只似開元  
盛日誰人又夜鐙淡殿立喚念奴  
急

湘江靜

湘夫人

亂竹斜楓和薜荔是零陵鎖來幽  
翠北渚氤氲佳期蹇阻但一江流  
水的爍轉修壚渺渺處懷人千里  
離鸞別鳳滄波奈何誰將得妾之  
意妾有言容妾罪想承恩嫋娟游  
戲疑山似黛艸輪不返問君王何  
爲解襪向中洲傳真冷訓言誰記  
長吁夜靜秋風一動芙蓉瘁矣

醉翁操

履霜操

霜兮霏霏無惟有兒嘯蒿蒨皇天聽高惟吾遺野田誰辨東西  
參鼎稀叱犢者聞之曰尹氏子耶實悲 我生之始屑縣爲糜  
我生以後臀膺常穿蒺藜兒罪輕兮當笞兒罪深兮當夷親虐  
何所依兒肌猶親肌母以損容輝父孀有命兒且歸

士失志操

雲龍西東誰從一蛇忠難封嗟吾小人宜山中有母聊以尸饔  
瘡血紅股割爲君縫說甚麼千鐘萬鐘 卦之初九在田潛蹤  
卦之上九无首占之大凶余且形爲沙蟲不或神爲祝融千季  
栖石桐思之心忡忡令節弔蒿蓬滿身飛燄猶鬼雄

祭天神

霹靂引

駭十季門客庭蘭董布金徽玉虎晨鳴千尺洞鈴鈴斧吏西南

似見神鐙湧極酸心孝子盤桓栖荒壠 感一室之賓從暮靄  
雨過了頑心重心頭事誰理會擘向晴天種看雙雙謝仙夫婦  
靈楔頻揮繞徧人人泥丸孔

歸國謠

思歸引

彈錦瑟豐沛君王歸未得昭靈園寢秋風急 美人捧劍燕支  
溼無消息島中誤了田橫客

高山流水

三峽流泉歌

一泉一峽一鳴絃九迴腸無限潺湲偏是哀琴人相逢在落花  
天花開處赤鯉翩翩銜花去歎作殘霞兩岸藥鼎千年忽松釵  
雨響結屋對青猿 長川添多少周折頻留石送到人間人壽



幾何邪付聲名浪滾波掀精神處中有千枝弩勁百斛珠圓問  
君如不信三峽聽流泉

好女兒

處女吟

好事參差花月圓遲女冬青豈是甘人後爲三分含忍三分矜  
貴不肯相思 便是雲窗霧閣墮明鏡理蛾睂也天然不畧佳  
人品帶三分薄怒三分兀傲不肯悲嚬

清平樂

幽居弄

茶煙竹裏午癡幽人起門外落花盈數指一聽車如流水 柳  
冠大布之衣興來閒踏芳菲未了鄰翁殘劫野猿已下收碁  
粉蠅兒

蛺蝶行

三月韶光羅幃搖漾如癡女兒家小園閒開摘金鈴移繡榻柳  
梢花孔幾多時青紫養成雛鳳含歡媚寢和伊外生相共矣  
滕王月青無種夜如何枝畔宿露寒珍重又茫茫金粉六朝荒  
壠

感恩多

自君之出矣二首

自君之出矣飢饉無季歲妾非男子身怎爲人那會糠兒不  
痿淚盈巾淚盈巾不廢婚娶禮文和六親

自君之出矣花下門常閉試看堂上姑膝前雖一匙蓬鬆白  
頭髮一呱呱一呱呱盼得郎歸挂燈張繡襦

長亭怨慢

驅車上東門行

挽車上東門之路不見人形但顚人墓藥送神仙壽彫金石白  
楊樹雜依松栢猶宛轉人門戶下有陳外人永杳杳黃泉難寤  
朝露歎陰陽浩浩逝者直如斯去人生對酒也就是紙錢羹  
脯有一二弔客青蠅也何異衰麻兒女算只讓聖賢還不流光  
虛度

陽關引

出門行

九曲黃河滂四扇潼關墮空牆古驛蕭蕭柳離離棗有官人帶  
劍豈是夷門老絡馬頭朱纓一點太行小某某名都甄鄉團  
堡但飛鴻逝霜花白戍樓曉聽樓中蘆管綠鬢爲翁媼不些時  
離人一夜首蓬葆

瑞鷓鴣

妾薄命

低巾掩裏意何淡紅燭流蘇塵土侵願到九泉方見面便和萬  
里亦甘心 落花晚晚憑涼笛噩寢幽貞託素琴衣帶有詞可  
揆取上頭釵爇古牆陰

朝玉階

羽林郎

花帽黃金瑣子垂官中承錄養因而廩先人京觀築鯨鯢無多  
親骨血此孤兒 戰場風雨鬼離披頤而長者是有覬頡功名  
幸值太平時略無愁苦處打球歸

荷葉枯

當爐曲

人在數錢時候，賒酒與郎期。春風綠到平橋上，小巷後門兒。

秋蕊香

秋蘭篇

秋有蘭兮，曲沍襲芳華。兮子袂芳華不歇，歡情繼託賤體兮。君子繁霜不殞，紅羅佩。存初誓，新恩舊怨紛紛矣。香在君心，弗替。

長相思

長相思

長相思，幕中曉。三日新婚著鐵衣，花容賤似泥。啟朝扉，理晨炊，不願封侯，但願歸金雞，插羽飛。

少季游

少季行

金魚帑簇錦雞場說是侍中耶調女東隣殺人西市田實有輝  
光花淡燒尾曲江旁會憲段文昌中監傳來輿臺分去赭袍  
虎睛鎗

沁園春

吳趨行

四座弗喧肅揖主人爲歌吳趨彙三江水利日中成市大農田  
賦平準裁書廩舍魚鱗樓船雁齒剛不如人柔有餘夫子曰吾  
道其南矣文學爲達長洲若聽曉鳥賸麋鹿銜花春譙疎但  
范莊香火不遺正史張王功德猶述邨巫隱隱聞春低低說劍  
半夜鐘聲落太湖關心者是艸堂無恙江令躊躇

傷歌行

我生之初錦樣年華不解愁眉紛孝標僧綽舊家玉樹平泉綠

野新燕棠梨步障舒圓鏡臺下聘范舅何甥盧氏姨書堂靜對  
晚晴新月人試金猊 不堪孤子麻衣痛霜殞庭椿萬事非況  
十分華屋報恩何地七季故劒畫影難追佳節思親黃昏下淚  
今日櫻桃會上誰無消息聽驚風墜雨幽幌空垂

### 夜半樂

#### 行路難

奉君七寶神枕芙蓉祕帳無負歡娛地彼鈕綬圭符偶然閒耳  
眇曼滑醪千金一刻奉君青鏡芝房玉環文履願壽者如山樂  
如水 試來一眺莽樾濯濯元壺蠶蟲如蜎君不見蛟蛇盤虜  
三里驛犀如屋鬚鬚岸幘但聞硯磊波濤漱其牙齒是時也先  
生且休矣 客奉觴曰久竹青寧不離生歟君不見凶人有窟  
氏藐形骸千載斲化刀山底君不見盜跖無半狴至今埋枉貪

泉裏

荊州亭

荊州樂

儂住繡林左側耶住白沙古驛若得合歡時雙橘千金也直  
沔漢上流欲急遠樹秋風如墨耶不是黃牛只怎蠻無消息

憶江南

桃花曲

逢社雨青燕盡銜泥最是江南三月暮碧桃花下舊香閨誰更  
著羅衣

楊花曲

楊花落春水意微渾耶不見憐猶自可妾於耶外靠何人鯉尾  
共猩脣



城頭月

杞梁妻

佳人以哭搖天地五嶽聞而外何況區區周遭粉堞受得摧頽  
起匹夫匹婦之心事飽暝完家計結隊號咷頭盧相屬安有  
禎祥理

柳枝

定情篇二首

盧家少婦定情詩玳瑁梁栖雙鶼鶒樺燭金鑪春寢短幾人能  
到白頭時

明眸皓齒不須論結髮從君劇苦辛歲月已隨流水去那能幾  
徧作新人

柳腰輕

## 楊白花

楊花白處宮門閉，嵩山頂雙靈寺。幾季春寢一場事，制勝得歌聲搖曳。那曾見春燕成巢，儘空拋綠陰無子。枉煞清河殉歿，問誰同北宮幽繫。虎兒奇種，將門佻達，化作浮萍天際。可知道非是楊花，是離人數行情淚。

## 無愁可解

### 無愁果有愁曲

神武啟疆天統受，禪無愁果以愁遺。月明清夜長唱過，一十二院垂事黃花都瞥眼。算孤負玉笋金瓊，便市取百斛真珠，那久保得穆陸繾繾。涕泣姝屬中宮，青州路猶然髻心耶展。此乃高末矣，斷送團焦祚淺，漫以華林有乞相也。勘破一朝貧賤，感恩者孰是儀同郡君，指無數好鷹犬。

赤棗子

棗下何纂纂

七八月兩三枝見郎常在對門時一樣開花能結果願生棗子  
算生梨

魚游春水

枯魚過河泣

枯魚過河泣苦在石頭誰可識龍身魚服須自諱於將息赤鯉  
嘶風五尺長岸柳穿作黃金色斜照欲腥江流渾急說有隱  
君子一翟翟竹竿橫磐石高臺危坐三季徵書四出本非機詐  
逃名姓算餌先生鉤中食如其不然我爲羹鯽

羅噴曲

于闐采花

種玉是千閨花開玉有煙采花如采玉隔岸見花田

結轡子

一饋七十起斯爲廷尉榮此中燕國士所見一王生

內殿賦新詩

內殿傳春燭新詩疊綺叢樓船金鼓後禾黍自西風

換巢鸞鳳

邯鄲才人嫁爲厮養卒婦

人似春忙逐花歸別浦竹弄離簫感恩辭暮雨掩淚望朝陽鄰  
家猶詢上頭釵昔年六宮時與鬪妝黃金釧散落了寶珠三兩  
軒幌空快快雲殷月階幽寢靡蕪長薄福難消有情寧免分  
判人間天上隨地多生野死央那能鸞鳳同嬌養好風光可憐  
它此種門巷

天仙子

舍利弗

舍利之名呼母切子無離母而成佛南無悉羯唎多耶清淨鉢  
寶蓮葉逆子聞聲俱促滅

何滿子

何滿子

說是滄洲歌者臨刑一曲初成地下斷腸引子人間金石無聲  
卻是能言不免比它鸚鵡猩猩

怨回紇

回紇

廟略清讎寇中兵振鼓鑿花明漢家節風折土酋旗 指臂燉  
煌郡牛羊突厥圍羅義終獻骨銅柱古今稀

浣谿紗

浣紗女

應記儂家舊姓西女兒白足踏清溪浣紗風緊溼人衣 富貴  
方能成國色歡娛何以歷佳期越兵不爲聽歌齊

鷓鴣天

山鷓鴣

苦霧連天毒弩深黃陵廟下晝沈沈美人涕淚湘江水公子飄  
飄巴樹林 思舊賦歲寒心三季不見似商參坐中莫以聽歌  
好送汝南飛酒漫斟

閒中好

十索八首

花壇靜妾與清風伍嬾作喚茶人從郎索鷓鴣

夫人格蠶尾何端愼歎仿楊妹詩從郎索私印  
匏瓜匹獨處乃亭亭入月難當夕從郎索小星  
蘭湯淺好月窺初浴不退香信癡從郎索良玉  
旌幢供延壽藥師靈禮佛修清醮從郎索至誠  
梧桐夜簫竹度芳塘五色雲霞影從郎索鳳凰  
銀河遠好事憑靈鵲盛會憂不常從郎索媚藥  
椒花酒歲鄉釧童祀竈圓壓青銅從郎索利市

六醜

如意孃

領宮闈雅化矣此老先名如意羽衣曼柔飄揚鸚鵡玳一霎沈  
鷺白象金輪藏舊愁新恨聆鬼婆環珮馮家小寶今如此且共  
吹簫仙人鶴背蓮花定饒雙帶願多情不老黃髮兒齒 春秋

高矣賴還君太子不見崇恩廟朱嚴圯官中近有貓未似淒淒  
切切蟒梟垂淚其應慙九嶷山裏贏得个輦路秋風石馬也多  
吁氣昭陵下算說甯事只問它驗取榼幫幅盈盈十四

醉公子

醉公子

公子鹵園夜銀樹飄蘭麝一百八聲鐘司花鼓尚攀 酥乳金  
訶細半卷文鴛被何以解春醒悠揚繡幔鈴

梧桐影

休洗紅

休洗紅鑪中鐵紅到鬼神天地知猩猩不及閨中血

竹葉庵文集卷二十六



竹葉庵文集卷二十七

詞三

吳縣 張埏 商言

林屋詞一

碧簫詞五卷今刪存一卷

十六字令

樓

樓望見江南江北愁無船渡花滿鷺鷥洲

梧桐影

月夜閨詞

月如人人如畫胡蝶飛飛一日忙此時纔宿薔薇架

江南春

冬閨

偎妾面倚郎肩不知誰怕冷相熱自相憐梅花開盡江南白天

意人心勝舊年

憶王孫

春詞

春風綠到赤闌邊  
蠶裊春花釀蜜天  
春水船頭去似煙  
卜春錢  
春寢無人不可眠

如寢令

春雨

溪漲綠萍千許  
酒店餅香人去  
樓下賣花聲  
不管樓中心緒  
春雨淋溼黃鸝無語

晚春月夜不睡  
艸蟲嚶嚶大似秋聲  
內子屬予紀事

柳葉星光乍小  
吹徹玉笙樓  
絳蟲解道春殘  
先作秋聲  
不了太蚤太蚤  
一夜淒清人老

長相思

先師蔡繡壑先生已一葺爲位而奠  
遠招魂近招魂暮雨人家盡閉門紙錢屋裏焚  
負師恩荅師  
恩不忍門牆埒別人此情含淚申

敝裘

粗縫縫細縫縫人在梅花風雪中寒鐙一點紅  
怕殘冬惜殘  
冬虎豹犬羊尊已同感伊常伴儂

春夜雜詞二首

四文

烏亂呼鐙暗初夜午亭亭玉貌蘇熱心噓冷鑪  
鑪冷噓心熱  
蘇貌玉亭亭午夜初暗鐙呼亂烏

參遠沈寒夜心負你腸真淺淺斟苦栢禁苦吟  
吟苦禁栢苦  
斟淺淺真腸你負心夜寒沈遠參

浣谿紗

蕉簾美人圖唐六如舊本謝林邨徵君仿之徵君歿已  
六季迺得其卷題此屬諸公和焉

破紙堆中拾翠翹可知此卷故人描巫山宮殿劫難消 睡不

睡時紅豆蔻意無意處綠芭蕉三星在戶惜良宵

醉雪頤幘詩云星  
眸欲灑鬢雲偏半

帶餘醒枕臂唄白髮含豪翰謝客未治結習亦生天汪俊詩云六如緜素歸歲劫盡意詩神得  
謝君周昉故人呼不起卷中猶得見朝雲

宿程氏園亭

疏杓環籬有幾巡支持塔影翠微勻夕陽雖好近黃昏 燕子  
伯勞空伴侶梨花紅豆少精神樓中無數可憐人

仙家

幾箇喬松風雨聲山花山艸不知名吹笙閒學董雙成 科斗  
知書皆鬼物蝦蟇弄月是妖精虎狼窟裏自長生

辭一瓢徵君製銅杖曰銅婢二首

老鄉青衣悟夙因清涼陪伴竹夫人三生一咲已無門 何爲  
泥中常累汝尋花冒雨踏岸卹滿身剛健有精神  
斗室蒲團佛火青侍兒錄上再顯名略同錫杖作閒僧 舞槩  
橫矛成往事近依此婢訴平生金公木母並飛昇

癡中作醒後憶得半闕蓋浣谿紗也

雙朵芙蓉兩岸樓珍珠簾捲赤金鉤月明小裏捧篴簫 □□  
□□□□□□□□□□□□□□□□□□□□□□□□□□□□

減字木蘭花

用老子譚子

籠猿柙虎咆哮跳躍無人顧策策堂堂不信庚辛網不張 出  
生入死英雄膽量俱如此微眇元通范蠡歸角一釣翁

偶得繡壑先生手錄彙數十字泣而臧之

嗚呼子敬人琴已矣淒涼境何處臧書走了驅龍失了珠編  
年紀月風吹雨打蟲來齧收拾煙雲寒食梨花作者魂

醜奴兒

碧桃

朝來顏色紅酣甚半染羅衣半染羅衣芳艸而今不及伊落  
時猶作迴風舞燕子同飛燕子同飛春欲歸時花也歸

紙鷲

兒童一綫低昂慣拍手狂呼拍手狂呼好幅風雲際會圖翠  
樓欲寄音和信罵汝空疎罵汝空疎及得銜書塞雁無

賦木香花

昨宵記在梨花下色縱如他香不如他香色和同怎及他去

爭能狂梅花下色縱如他香縱如他花葉相兼不及他

菩薩蠻

美人醉

春風刻漏燒銀燭燕支溼暈微紅肉手自與郎斟低低說夜淡  
和衣能耐坐且去和衣臥醉態怕人知翻來喚侍兒

陪金檜門先生鐘樓眺遠有鄉關之思

樓在濟南試院

亂山青入闌干裏隔溪一段斜陽尾幾點是殘荷花開角日多  
午雞剛寢醒人在天涯冷風靜酒旗閒江南近那邊

回文二首

碧窗和寢春煙溼溼煙春寢和窗碧牀上照紅缸缸紅照上牀  
雨花黏繡譜譜繡黏花雨空信接歸鴻鴻歸接信空

細霜含冷蟲吟砌砌吟蟲冷含霜細涼簾玉釵香香釵玉簾涼

夜淡鐙影怕怕影鐙淡夜樓上不宜秋秋宜不上樓

卜算子

相思

我繫相思頭君繫相思尾兩段相思一段看不斷如春水  
天下有情人盡解相思外只愁不是個中人不識相思字

夏漏子

本意

淚痕花人倦影香篆翠綃冰冷心裏事到睂尖昨宵春睡甜  
簾幙靜東風小漾斷微魂半裊鐙燄短落煤輕飛蛾閃一驚

阮郎歸

夏景

畫簾垂地景清華紫微初試花出窠蟠子上牆爬池中闌綠  
暮



蕉影直柳陰斜天青無點霞閨人團扇繡紅紗頻呼茉莉茶  
極相思

仇英太真溫泉浴後圖

風輕不散氤氲花氣滿佳人鵝哥睡熟三郎來否未結羅裙  
淖備定情私語處長生殿月近黃昏馬嵬驛口季季青艸也是  
君恩

城頭月

和蔣心餘

君惟一妹無兄弟見我翻然喜孝子仁人自然情性豈爲文章  
起清風明月愁無底知己非容易說到英雄如何肝膽便覺  
鏘豪矣

醉紅妝

螢

擡頭天際落殘星  
度銀河點點青  
斷橋秋水正空明  
南北岸掠  
漁燈  
芭蕉葉暗幾層層  
窗隙裏照儂情  
今夜問伊何處宿  
艸  
淺淺露英英

南柯子

虎邱感憶蓮峯長老

舍利胸前落名山  
眼界開千金  
牘背了無猜  
錫杖挑穿地獄轉  
身來  
鶴是當年放桃從去後  
栽生公不坐講經臺  
江上秋風  
細雨鰕魚顚

青玉案

迎春詞

春球春果春官喜  
春鉏打著春牛觔  
春郊數畝春花數  
朵春艸

王孫意 團團春月將生矣有人斜坐春宵裏春鐙一盞春山  
半蹙焦得春心死

浪淘沙

雜詞二首

風颭翠雲翹湘水幫腰曉鐘數擊耐寒宵依約迴廊行處月  
暗芭蕉 愁湧廣陵濤煙鎖紅橋湛湛清露滴花梢二十季來  
塵寢醒又聽吹簫

一自別牆東不上巫峯長箋盡個小吳儂寫入無聲有韻處澹  
墨微烘 鐙火伴寒蟲永夜鄰春玉樓人倚曉星中一片平沙  
秋水外孤雁啼隴

鷓鴣天

卽事

火樹星橋現曉霞  
桃花開徧武陵家  
同心合裏相思結  
烏鵲橋邊紫鳳車  
瑤臺曲幔周遮好  
封詩句報秦嘉  
春宵一刻無多也  
蜨粉蠶黃褪盡些

南鄉子

立春夜澄江僧寺同劉秀才二首

隔殿小鐘清鈴索風搖繡佛鐙  
誰料惜春人若此零丁鶴瘦腰  
身怕刷翎霜橘綻紅星景物殘  
年憶洞庭最是三夏暝未穩  
消停寢到梅花吃一驚

佳節客中過澹澹春雲短短莎  
幕徧美人淡淡黛輕呵自取殘  
青牘墨和君唱定風波儂喜山  
公白鷺簪何日功成名就了  
婆娑同築三閒安樂窩

春夜

回文

橫月見空亭滴露翎梳睡鶴驚尋徧落花瓊珞亂聲清釧響玲  
玲玉膽餅餅膽玉玲玲響釧清聲亂珞瓊花落徧尋驚鶴睡  
梳翎露滴亭空見月橫

虞美人

爲薛上舍題某姬像二首

一泓秋水芙蓉影長立迴廊等妝臺臨鏡畫孤鸞淚透桃花箋  
子墨難乾近來消瘦眞容貌應是當初好且依原樣寄情人  
卻怕爲儂顚顚損伊身

閨中沒個商量也對此叨叨語同心姊妹肖奴顏託你亭亭裊  
裊到郎邊知郎恩意深如海對此淅淅拜猜疑倩女慣離魂  
怎又無言無語意昏昏

春夜雜詞二首

回文

青鐙凍入寒梅小。歷歷箏彈妙。細香東閣寢成初。煞怕鳳綃鮫淚隱。衾孤。孤衾隱。淚鮫綃。鳳怕煞。初成寢閣東。香細妙。彈箏歷歷小。梅寒入。凍鐙青。

鐘殘隔巷幽情動。吠犬東牆送玉釵。金合水沈香往事。絮屑花下。賸空廊。廊空賸。下花片。絮事往。香沈水。合金釵。玉送牆東。犬吠動。情幽巷。隔殘鐘。

鵲橋仙

七夕慧珠祀雙星戲贈

鳳梭顛倒鵲橋隱。現瓜果。季季鋪設。神仙好事。不瞞人。咲世上佳期難說。離多會少。恨淡情重。一夜總除。總結思。顯巧字付兒家。已艸艸。雞鳴時節。

酒醒竟夜聞雨

光陰推轂繁華轉眼酒醒不堪情緒算來已是不成瞋那更被  
一宵之雨疎疎密密娑娑戚戚似與愁人言語算來此處不  
銷魂再有甚銷魂之處

乙亥七夕

情根愛想參天倚地只合讓伊長久世閒多少負心人看雲雨  
幾番覆手明璫翠羽綃衾繡褥今夜定情消受銀河也怕有  
風波鄉橋畔丁寧悵走

七夕雨

風環霧佩么紅仄綠顯出黃姑娥媚已教歡喜萬千年何輪到  
今宵洒淚七夕雨曰洒淚沈吟一晌絮商幾語不信神仙貪睡癡癡等  
過一黃昏見烏鵲歸來顚顚

臨江仙

偶題

綠意紅情爛漫青松白石殷勤可憐蟲結可憐因鐙角才子淚  
月下美人魂 雲裏絃繁管急聽來鼓暮鐘晨封侯未老李將  
軍放歌千日酒知己百季恩

憫疫

烏自終朝啞啞犬多徹夜狺狺紙錢風雨落花邨故人稀問疾  
新鬼亂敲門 那得雷霆眞火銷除劫難紛紛光風霽月滿乾  
坤迎神添賽鼓春酒列雞豚

王昭君

何必長門求作賦黃金不買月青玉關楊柳漢家營去時顏色  
淺別後奉恩輕 放著青青墳上艸始知不負平生斷腸難覓  
小魂靈琵琶風裏蜨簾簾雨中鐙



贈內

修竹玲瓏無限好一雙翠裏同心西湖煙水得清音芙蓉樓外  
見畫舫雨中尋貧憶黔婁當日態痿憐司馬而今綠窗瑣語  
伴孤吟采芝朝養鶴撥火夜調琴

內子辛未歲在西湖極戀其風景首章及之

河傳

見玉簪花

此花無恙問那人別後如何意況曾插一枝記在鬢雲西向暗  
香來東風漾緊拖羅裏相偎傍汗點香頤細雨芙蓉漲今日  
會你恐作生疎模樣怨薄情難入港

蘇幕遮

樹蘭極盛坐花下作

色和香香共嫵世外清幽不上春風譜顚顚珍珠縣碧露露吐

花梢花吐芳心苦 月溶溶水瀕瀕一卷離騷轉轉思量女不  
道美人遭眾妬無計調停逃入深山去

醉春風

別恨

可惜飛花陣亂漬闌干粉離人滋味不尋常忖忖郎說清明  
再捱端午中秋有信 爲把羅衣襯始覺要支損門角何事馬  
頻嘶問問竹影虛搖榆錢滿地東風初緊

滿江紅

縛豆棚

向艸堂西試縛起豆棚一架點綴得杞苗柘影自然瀟灑時於  
此閒得佳趣小人請學樊遲稼問紛紛公等欲何爲求田舍  
日之夕牛羊下月出兮東山罈拉鄰翁對坐滄桑夜語萬古雲

煙青簪笠六朝風雨紅羅帕只一雙燕子管興亡思王謝

鳳皇臺上憶吹簫

冬至朝作

雲髻新梳低頭萬福芳心慵費商量道季季昨夜綠酒紅妝報  
說花梢月轉有卿等兄妹評章同時候今季昨夜爲甚淒涼  
剛剛這時候也我坐冷銅壺一樣愁腸又幾回未睡自熬沈香  
隨你千條銀燭照不見地遠天長相逢處大家同訴少去徬徨  
滿庭芳

詠元宵

卽糖餠元宵時有之故名

細膩風光周遭色相搓來識取常圓和糖入蜜膠黍似伊般最  
有十分滋味休麤莽不辨甜酸中央好瓜仁棗脯百果歲朝盤  
素娥如有約銀蟾無恙出字闌干莫拋荒舊意覓取新歡但

願季季今夜人和物共此團樂簾鉤響推鐙一咲花影弄清寒  
水調歌頭

脉脉

脉脉不得語盈盈一水間可惜美人去後芳艸碧連天那日水晶簾下三四清明燕子初試博山煙又被人驚散私恨隱眉邊  
彩雲收巫峽斷玉簫懸不及劉安雞犬有福伴神仙洞口桃花開未別後要支細石無癭到牀肖蕭寺蒲東遠陵谷幾季季  
念奴嬌

述史

曉雞啼過便披衣而起天青霜白三寸魚腸剛出鞘多少不平  
山積第一狂奴翻雲覆雨犬吠高高日酒柘纔放并邊隨去下  
石隨你公子烏衣美人翠裏半點無憐惜冉冉華成老大

到外難明心迹楚客行吟溼妃出塞階厲誰長舌水清魚見此  
嚮粉身何益

山亭宴

黃芽菜

有序

北地沙輭泥鬆此味第一江南遠不逮也臧菜之法阮溪穴帶  
根鱗次瘞之至三四月不壞

清冰脆玉彈應破似蕉葉千重淡裏翠到十分濃反變作黃金  
小鞦山園晨起倚鸞刀黏碧露紅鹽微簸秋水憶湘蓴讓是物  
先停妥鮮香膩滑非輕可兩三沸竈添文火灌頂並醃醢看  
指動涎流頤朵食肴方丈勸加餐問此味官廚知麼便臠菜根  
酸有甚相虧我

湘春夜月

秋詞

滿乾坤般般秋意氤氲織幅秋綃森冷褶縫盡秋痕檢點秋衫  
秋履伴秋琴秋硯秋艸黃昏有秋煙如幕秋風如翦秋月如銀  
一枝秋柳一灣秋水一帶秋邨秋笳秋柝一聲聲作來秋寢  
銷去秋魂團樂秋影劇可憐秋扇殷勤秋淡矣問秋鴻到否寫  
將秋信寄與秋人

解連環

臥榻逼隣菜圃夜半秋蟲清響動以百計高下婉約因  
風可聽迺成是詞亦詠歎不足之餘也

頗多清韻訝一般腸肚幾般口吻想肉身遷客騷人幻千載離  
魂靈光不泯忽一聲高是吁氣糝餉難問忽一聲低也事再思  
量心頭一頓一聲促而淒緊又一聲寬緩游絲斜引此一聲

忠厚溫柔偏此一聲中激昂孤憤骨化形銷說不了區區方寸  
害常娥關山曉月素輝半褪

沁園春

美人指甲

宋劉龍洲有此題不爲恆意道夏作此

瘳處尖尖斜處彎彎青蔥而佳鄉露閣風亭偷挑密信蓮莖荷  
蓋輕剔殘煤夜月潛行洞門雙破彈響金環開不開有時節爲  
薄勻蟬鬢錯繡紅頰不妨燒取成灰豈噉指方知心痛哉想  
淺淺蓬瀛麻姑未老蕭蕭卹店新婦初來私問青衣悄尋遺鈿  
撥損醺醺破綠苔休矜惜怕漁樵一曲音汜難諧

子相向雖然曰爲新婦憚健所苦客曰吾能懲戒之婦出客語所以婦適與客坐石磴側歷陳  
典細記一事則以指爪刻石石痕盈寸客大怖逸去

時以暮春雙燕初來營巢最苦子感其意題辭資青館

壁

春雨疎疎春雲藹藹春燕飛飛喜滿院落花初鉤纖猶渾身輕  
翠淺帶香泥盼盼樓中上梁作賦福壽康寧絕妙辭苟完矣聽  
昵昵於此永夜雙栖 秋來黃葉紛披似洞口漁郎蹤跡稀歎  
一巷斜陽門荒宅破六朝故壘物換星移姊妹新妝歡娛尚短  
總有涼風在殿西高禡節待明年簫鼓社酒重攜

病中贈內

病態纏綿病意蕭疎病味孤清只一片殘花久依古硯三分明  
月獨照春鐙戒酒除香典釵買藥俠膽詩腸也瘦生無聊賴逐  
隣鐘遠響屢采江蘅 晚妝孌削零丁偏累汝淡嘗茶苦情每  
著意支吾牽蘿補屋驚心曉曉打彈聞鶯鹿轂初移鵲裘未換  
一樣蛾眉眼獨青頻相慰任東方千騎自惜惺惺

雪美人



是邪非邪立而望之冰雪精神想暮雨朝雲現身說法明珠翠  
羽滴水成春千古蛾眉入宮見妒屈陷樓東多少人添煩惱害  
幽人閣筆香白難勻天寒修竹璘璘常冷面相看露淺顰喜  
啣月半窗不擎紅腹梨花一院初點朱脣其雨其雨杲杲出日  
首已飛蓬散滿茵將伊勸爲斷橋芳艸魂繫玉孫

雪羅遠

是迺釋迦坐白蓮臺放白豪光歎百萬眾生茫茫熱海西來大  
意一味冰涼半幅袈裟雲裁月補滴水凝酥甘露香隨緣住現  
金身何處煙樹蒼蒼白頭面壁何妨疑渡海蘆花玉作妝有  
數點鯨鐘飄殘野寺幾升燕麥供就齋糧三四兒童點頭拍手  
也算莊嚴妙道場黃昏後添琉璃一琰清影長廊

再遊孔氏廢園

故衍聖公建

石獸當門有客重來白日將短見古木寒鷹隄然精悍小花幽  
蜨著意婆娑一片亭臺妖狐盤蝕山鬼迎風響女蘿頽垣闕牘  
峰青舊黛濃深雙螺 齒圍載酒曾過有玉笛銀鐙伴翠娥當  
天下承平休兵息革文明在裔選舞徵歌秋月初圓春宵未短  
洗鉢焚香樂事多季華換只紫駟嘶罷不聽鳴珂

### 賀新郎

#### 書蘇文忠年譜後

六十六季裏蚤不道命官磨竭安排定矣先帝驚呼才子再今  
上聖明無比彼詠檜何預朕事終是禍從口內出好季華嶺表  
常安置幾無點生人趣 海濤洶湧兼天起助奇情千秋不泯  
文章而已曾與少游無幾日寄寓常州病歿細較量藤州相似  
安得朝雲歸故土六如亭數點英雄淚永邈恨栖禪寺

哭葛生 丙

暮雨潺潺矣。閃孤燈芭蕉之下。現今游戲。走鄉窗前。呼不應。只是芭蕉影子。歎同學近多生。外酒盡黃壚。無可語。憶去季上翁。清明會。卻再到龐家。未讀書。會得書中趣。歛鋒鋌。溫柔敦厚。古人風味。約我文章。同槃在。此語今朝。聞起參不透。長桑妙理。爾祖曾爲句。漏令好月砂。不入刀圭裏。吹點點桃花淚。

觀演長生殿院本

雨擺梨花。鱗佛堂角。風波平地。可憐人鮮。未必卿卿能悞國。何事六軍激射。唐天子何其懦。下一世夫妻。猶若此。爲今生反使來生怕。雙星恨高高挂。

明皇與太真誓曰。生生世世願爲夫婦。

夜燄蠟炬和灰瀉。蜀當

歸關山烽火。它季入盡。提起宮中行樂事。苦了將軍戰馬。又苦了。死央棒打。虢國夫人無結局。與梅妃一樣三人者。同命薄無。

依藉

歸愚先生爲予言山樵先生

汪俊

於文酒大譏論江南

少季之士必首指予呼爲小迦陵屬諸公毋以耑輩抗  
行一時獎借如此山樵已矣過壚感舊聞曲沾襟追賦

一首

笛弄梅花罅正江南高歌寘酒青麟紫鮓徧會開元諸父老半  
是儀同僕射論名士少季高下獨說靈和張緒好小迦陵筆端  
千人怕才天嬌神龍挂 今朝血淚衫痕灑送汪倫故人已矣  
月青難畫紅了桃花妃子芻誰認使君白馬畱短碣題名拓打  
儂昨相逢蠶婦語與殘絲繡作平原者風與雨恐狼藉

山樵令醴泉重修馬

鬼楊妃剝種桃花數百株祭而哭之上官撫其事落職

孔東塘桃花扇題辭

鐵戟沈沙罅小南朝江山半壁肆中枯鮓未必寧南肯負國畢  
竟要君激射黃闔子爲人中下只苦梅花嶺上月照衣冠朱印  
迷離怕从無迹羚羊挂粉痕墨態何瀟灑後庭花歌殘玉樹  
風流如畫不見滿城飛礮火試點春鎗走馬瑣語處雷霆轟打  
一霎春心歸寢影想何如發付紅裙者軟圓老太無藉

白苧

聽孔孃彈琵琶

碧紗窗正秋樹瓊瓏遮黑銀蒜雙垂牆角東風無力猛淒清四  
條絃上響初迴嗚咽似啁啁小兒女輕憐痛惜疎砧冷巷孤雁  
南樓之側湘水淡蘆花吹雨鳴蕭瑟裂帛一片金戈鉦鏃脆  
越壓陣霜翎盡白漸月落長門銅壺稀滴收拾宮商覓肯來萬  
福訴伊疇昔去國孤臣譜填心事意餘遷謫我亦情癡忍老江

州客

哨遍

管仲隰朋從於桓公而伐孤竹春往冬反迷惑失道管仲曰老馬之智可用也迺放老馬而隨之遂得道行山中無水隰朋曰蟻冬居山之陽夏居山之陰蟻壤一寸而仞有水迺掘地遂得水見韓非子七卷燕人李季好遠出其妻私有通於士季突之士在內中妻患之其室婦曰令公子裸而解髮直出門吾屬佯不見也於是公子從其計疾走出門季曰是何人也家室皆無有季曰吾見鬼乎婦人曰然爲之奈何曰取五性之矢浴之見韓非子十卷嗚呼何燕人之智不如老馬與蟻也有感其說演爲哨遍

天地蘧廬達者寓言十九非無理問韓子子是齊人兮知隰朋

管仲而已想老馬十季其才可用迷途能令主人喜況冬山之  
陽夏山之陰攘攘乎有眾蟻試掘井九仞一丸泥夫尺有所短  
寸愈奇詢之二蟲二蟲不答自然長技 噫誰是知幾休歎李  
李季是與非妻愛我者也如卿言豈我欺彼裸而髮垂行庭不  
此中迺以有真鬼曰爲之奈何祓除不淨浴須五姓之矢看一  
時婦女顧而嘻謂丈夫之智今亡矣千百季將毋傷涕聖賢致  
知格物明鏡闢秋水可以人不如物或使不出馬蟻下耳請君  
收拾智囊時免人閒馬蟻咲外

梅影

四朝顧貞觀自度曲

初夏閉關養疴獨酌竟醉書此詞寄捧霞文不加點語  
無倫次

賣錫天正綠雲成陣傍屋角楊枝印水盡難傳幾許蝸行蟻走

伴春蠶絲縛瑤箋喜一味離騷荷衣芰佩半林周易露滴珠研  
湖海襟期原合受煙霞供養羞車中新婦曲幔圍旋添邱壑對  
小庭幽砌別譜清妍 吟肩相思擔子拌從今卸去昔癡淒然  
江上吹簫樓中聽雨一片可憐滋味歲歲年年擬塑沈香小像  
好配平原繡綫繪雲煙淺烘低染柔腸曲折知落誰邊天涯遠  
千程萬里略難尋到長亭有月孤渡無船 不礙幽閒梳頭顧  
盼認蕭郎圓妙妙中圓看摩鏡生涯雙雙蹇衛只英雄功業何  
妨隊結嬋娟到得掣蒼鯨馴白鶴揮手紫霓鞭某年月日書官  
藏模黏麟閣因緣遇洞口桃花付之一咲儘詩中入道畫裏參  
禪劫火雷霆怎奈它仙人懵懂卻慣煞海底尋鍼井底暝一段  
圓圖醉語丐教同志相憐

竹葉庵文集卷二十七



竹葉庵文集卷二十八

吳縣

張填

林屋詞二

春水詞二卷今刪存一卷

閨中好

邯鄲行二首

邯鄲子相約出城隅  
故壘橫殘笛臨風弔望諸  
高樓啟鳴鳳鄉朝陽夫婦同功  
繭恩情陌上桑

梧桐影

春夜

露泠泠風冷冷佳期十五月初圓  
櫻桃花下吹簫等

憶江南

靜境二首

松關靜輕葛動涼颺最小蜻蜓如翡翠無多草茵似燕支秋意  
夏先知

無僧寺約略度谿鐘蕉影美人何澹蕩月光童子自從容浚夜  
道心濃

小秦王

聞驢鳴忽感亡友臨臯

郎當鐸和雨冥冥叢竹幾垣不可聽生友自多外友少合君座  
上學驢鳴

竹枝

宓妃

詩人心事託微波祕枕琅玕淚不磨破賊亦因此女起紛紛愁  
絕魏東阿

憶王孫

茶鼎未沸有聲絕類江南水車錢飲光聞鐘聲似琴中  
汜音此皆非靜中不辨也

江南十里水車聲靜向空齋瓦鼎聽何日真尋白鷺盟坐牛亭  
山在桃花樹上青

琴操五首

七條絃上舊情蹤一炷心香爲汝供誓擬肝腸化鞠通兩和同  
萬歲千秋樂未窮

初三新月影幢幢亂石彎環薜荔牆捧出霞光朱錦囊體苗長  
著手摩挲熱血涼

紙鷲風起鴿鈴清殘醉惺忪與定盟似水樓臺窗戶明玉錚錚  
阿姊無心不諳聽

小秦王轉古陽關別後文君送酒難綠葉成陰子半單爲三歎  
再遇金徽不忍彈

昨逢門下董庭蘭付與湘靈一側傳莫以風懷有寓言劫灰邊  
香艸離騷記不全

長相思

殘鐙

月溶溶淚溶溶痠酸無多似晚楓澹青變淡紅  
髻兒鬆釧兒鬆暗了巫山十二峰幽情怯曉風

殘花

滿山春滿園春薜荔樓牆散彩雲斜陽露小墳  
感續紛惜續  
紛容貌新人勝舊人  
季季棄婦魂

浣谿紗

車

偏是車兒管別離太行長阪有高低  
轆轤方寸自家知已使  
成薪添野竈漫勞生負滯春泥可憐狗馬逐雞栖

立春邵耐亭舍人招飲不赴明日復相邀二首

轉轂勞薪恩乃公長須急足走書簡春光攔住一枝筇  
近已

畏人如處子日能對酒尚英雄  
猛拌飲釜學長虹

滿眼風光病不支土牛迎後見青旗  
敝廬原在大江湄學道  
十季難戒酒看花雙淚欲成絲  
舞裙歌扇意何爲

書桂郎汗巾

殘局枯禪儘可憐心芽意蕊忽新鮮  
元宵背後見神仙一品  
冠裳林下度六朝裙屐晉人言  
思量值得一千牽

梅花

三十周遮老樹邨斷雲孤鶴了無痕幾生修得見詩人  
畫段  
春山畱小閣作場清寢等黃昏半珪涼月正殷勤

卜算子

晚秋謠二首

一帶碧紗幮午寢如煙細認个風流月作姨招个花爲婿  
月  
影本蕭疎花影何清麗淨酒名香供晚秋花月同歡喜  
何處玉笙寒漸使羅衣褪賸得黃昏一个人梧葉添淒緊  
遠  
道憶瀟湘覓寄雙魚信方寸憐伊亂似麻鈴錯相思印

秋夜聞落葉感興

明星挂秋檐拍手求銅斗童子垂頭喚不膺落葉如人走  
古  
木戰平原漸使栖雅痠明日樓臺夕照中筆筆青山皺

獲麟處

麟爾果何心先識春秋意不滿宗周三百季杖已逍遙曳絕  
筆感興衰也並詩以矣爲汝歡獻勵一場又續顏回淚

### 采桑子

#### 雜詞三首

堂淡絲竹畱髮佳咲也因他醉也因他摧挫千番總爲他盡  
圖消息春風面病也因他癢也因他除外今生負了他  
枇杷花下同君走玉不如伊錦不如伊月樣精神怎及伊櫻  
桃花下同君坐繡不成伊鑄不成伊翠羽明珠怎賦伊  
個人此刻銷魂處淡水寒塘碧樹如霜三兩蟬聲獨晚妝音  
書打疊天涯寄情語淒涼倦眼微揚綽約幽思泣海棠

### 減字木蘭花

#### 畫眉鳥

茶煙初起靈舌閒關忙不已書味殷濃萬木春山古澗中  
兩  
年京兆眉圖孤負文君稟宛轉羈關我欲開籠放汝還

朝中措

西瓜

桐陰疎散覆銀牀捧出噴寒瓢直是一團太極紅黃蒼碧之光  
浪  
驅蟲理鬢掃蠅布席捫腹而龐今日將軍累汝此中萬斛滄

浪淘沙

畢舍人席上歸遲桂郎不至

雪月正澣門冷淡乾坤獨逢仙李憶蟠根安得膠拳連理好松  
柏長春  
酒盡六街昏候馬曉頻他年築室萬峰鄰別鄉高僧  
美女外位置斯人



鷓鴣天

春夜合樂明日風雨

昨夜狸瑜試舞羣中季哀樂轉輪分人間富貴非難事天上神仙不薄人  
酒灩灩雨昏昏紫藤花蓋艸堂門擬從南國思簪  
會獨向東垣泣暮春

發樂城小憩館舍幽好漫作

磽确田頭雨後肥太平淳樸土風宜五區蕎麥中人產一兩牛  
車新婦歸 本逆旅愜幽栖疎花靚竹養春泥菟裘俟我江之  
許玉管憑他相不齊

道上初見桃花

紅到桃花事可憐一枝偶矗酒旗邊自教圖畫隨流水無數仙  
人化紫煙 情脈脈意煎煎靡蕪不到故山倚牆頭馬上今如

此霧閣雲窗昔枉然

虞美人

宿遷雨泊二首

亂雲低樹平畦溼古岸連山碧輕舟不載十分愁儂只五分帶  
去五分畱 季季苦了吹簫伴幽癡牢牽絆江南細雨怕黃昏  
三月清和無數可憐人

風毛雨腳無憑據船在溟濛處瀟瀟淅淅夏淙淙幾次銷魂錯  
認有梧桐 鶴鳴埵上何爲者喜殺鸛蜩也料來瘦得不成伊  
無奈碧桃開過小樓西

記得

季逢上巳歡如蜨散箇游春牒弄珠人立水東樓記得青青煙  
艸是蘇州 夜熒腰鼓三絃響酒暈幫拖上繡棚閒架鏤金牀

最好玉蘭花下露銀釭

鵲橋仙

鞦

珠含鬢窄泥隨印淺偏識花陰生路虧伊載得玉人行已微受  
一星星汗 餞君把琰懷人打卦想見足拳寒鷺霍王小女癡  
初殘讓有福南唐金鏤

釵

鐫他比目製渠雙股尋向枕函左右夫人體態仿來禽喜此腳  
天然古茂 玉環墳側湘蘭院裏小劫滄桑難救何如裙布足  
風流去聘得人閒佳婦

馬湘蘭嘗斷一釵日久不聞碎玉聲矣

吹笙

海棠開了小樓初上銀字和鳴彩鳳芳心呼吸爲誰勞似相鄉

含飴而弄口香猶喫脣脂乍冷漬入幽簾幾孔個人合在盡  
圖中見縹嶺風清月湧

茄

斷垣疎圃繁花矮螯錫汝昆侖名字濫邨行盡不逢蛇喜帶雨  
一畦昏紫山城擔入筠籃檢去不損蟲螻齒光圓人說似  
僧頭漫錯寫僧伽字

茅亭客語蛇以茄爲酒食之而醉也

豇豆

擷來垂露束之上市纍纍貫珠勻渾青蟲戶牖細如絲有小女  
晴窗能認鸞刀輕斷獅鹽略滲下箸幽香寸寸方書喫腹載  
頭銜又竄入四江險韻

閏六月七夕

巳卯

鴛機初歇驚帔不整應似黃楊命苦笨鳥呆兔小參差已把个

神仙耽誤 縱憐晚晚亦能貞守一月錦衾待汝在閒桃葉渡  
頭人保無有中流迎去

踏莎行

偶憶

小髻初盤輕衫乍試眉峰聚得青無數縱然門戶略低微大家  
舉止偏容與 瓜子斜拈筍尖親授此番算是銷魂處風情黯  
淡可憐人紅顏薄命傳千古

臨江仙

廣川客夜

踏徧天涯芳艸色是儂一片愁痕夜滾曾酒不重溫數聲盡角  
殘月未關門 記取梧桐妝閣影個人立盡黃昏害伊消瘦十  
餘分花香似霧吹作晚峰雲

韓莊晚泊

秋漲連天平野岸一江煙樹朦朧小星三五在其東長亭方悄  
悄短寢已恩恩十載英雄如鉛淚今宵滴盡霜蓬打儂心痛  
五更鐘美人憐遠嫁香艸怨飛蓬

舟中紀寢

粉霧衣香猶在眼相逢十二闌干依青綽約掌中般夕陽添瘦  
影秋水作情瀾那得寢兒常不醒與君儘箇盤桓落花如此  
路茫然他生應沒福今世又無緣

花朝讀晉書

喔喔荒邨雞四起午時猶鍵松關先生風味過清寒花朝東晉  
史樓下太行山元宴清虛元亮質此中不愧衣冠其餘地獄  
黑漫漫頭顱如落葉蟲豸亦清言

寒食

幾陣東風寒食節輕陰墨染螺紋江山何地不銷魂  
嬋娟新妾婦火裏舊君臣童子釣游曾記得菜花北寺  
餽飽酒鑪廿載感沈淪蒼頭老病廢同學外生分

春雨

一段風光多旖旎琤琤韻到山齋自然細潤入肌骸  
膠青鎔畫棗泥綠和櫻糝艇子些些新漲遠有人載  
酒初來煙絲如織罨平臺溼黏花鳴頸腥啞鯉魚頤

聞鼃

臨水艸堂知水趣水邊沙穴泥封芡盤荇帶各隨風  
子孫盛科斗鱗甲避魚龍不以鳴秋而以夏此君好事  
之蟲官私何益總雷同橫角當斷岸宿酒破薰風

一翫梅

春夜

曾破仙局七寶幢花亦成雙月亦成雙玻璃雲母以爲窗水淺  
魚缸酒淺雞缸 淡夜而今倦小雙想一椿椿癯一椿椿不平  
某局肯心降花暈愁腔月暈愁腔

長月暈

蘇幙遮

送春

絮當門花撲地半點櫻桃紅嵌黃鸝鶯一寸斜陽殘嶂裏闕處  
青青青處春歸矣 夜如何星月細幾扇紗窗銀燭明於水好  
癯不多新樣子臘个今宵完滿春滋味

定風波

古木



古木風威大不同一榆一柏廣庭中昨夜血痕鱗爪透交鬪鬱  
盤聲勢直雙龍向午訓狐升屋叫悲悄陰寒白晝亦洶洶有  
客哀琴捧硯坐俱可聞聞見見太虛空

洞仙歌

寫豔五首

玉容慘澹賽梨花清冷鵲几蝦簾玉鉤淨合和伊此在地久天  
長同歡喜何故愁愁悶悶一窩春意密儘殼盤桓紫燕雕梁  
漫相等放下臉兒來原肯相憐好情分香挨玉並看步步死央  
一雙飛莫萬慮千疑暗中成病

砑羅方寸見纖纖試繡裁作香囊挂衣釵配額黃初淺眉碧微  
濃條脫底陣陣如噴金獸房淡應膽怯悄語青衣戒止雪衣  
弄聲口修竹綠森森鐫个題名某日月曾捫翠襲慣遶著花臺

戲狸奴有一隻蜻蛉捕來卽潤

鹵湖三月正拖藍帶碧君去尋春六橋側傍孤山一路芳艸青  
青香軟處容得雙趺偈窄 歸來鐘寺響列檻長松呼酒消搖  
樂今夕半畝舊園亭絕妙山蹊讓閨閣煙霞寓宅間逸興季來  
近如何喜燭燼歌闌語他疇昔

佳期七夕憶雙星燿粲漫視銀河發長歎算關卿甚事陪了瓜  
果收拾也猶自裋衾獨旦 金雞何處叫沒甚來由蕭瑟芭蕉  
響庭院欲擬寫丹青顚顚秋光只苦殺班姬團扇報小徑黃花  
又全開試折供詩窗淺吟淡喚

須知爾我是神仙儔侶無有相思少季苦想三生石上圓滿因  
緣論劫數也豈尋常相遇 美人千古恨連理無枝孔雀東南  
向誰訴便使沒風波妖癩神妃忒冶蕩雲朝雨算願坐坐行行

儘溫存常伴你莊嚴隨伊方古

醉翁操

後琴操

長眉纖肥真妃擁靈旗樓心清妙香聞其微烏几初試金猊  
人影稀滅燭入清谿暗裏神采相合離寶珠曉白春鏡羅衣  
小山石竹巢有幽禽對曉風到門而淒淒月上牆而迷迷今朝  
如永饑彈琴絃中詞織錦手中絲美人君子同所思

水調歌頭

宿盧生祠下作

靜石若處女老鸛似山人宿向盧生祠下河漢白如銀天地以  
爲衾枕螻蟻乃成將相夏鼓已頻頻清風上蕉葉涼露到槐根  
鹵北樓東南日眼肖因此忝邯鄲道也軟語顫心魂配饗高

皇於廟乞食歌姬之院無不可云云事皆適然耳君子愛其身

### 滿庭芳

姦氏陳恭人輓詞

名淑端故禮部侍郎邦彥女適兵部主事族兄會毅工詩著聲後公若干卷

林下裙衫花封湯沐燦然新婦光儀讀書識字博士下重幃邸  
第春秋佳日亦歡咲鴈詠分韻滄桑換而今步障誰解小郎圍  
烏衣樽盡戟光延宅畔燕子飛飛況素車白馬相映棠梨爲  
感卅年賢淑江頭引賓客淒其夫兄弟未嘗蛇膽寶婺掩靈妃  
綺羅香

### 唱故衣

亂後田園貧餘卅府不識主人名姓喊向街頭蕉鹿本無憑證  
有崔盧賸嶙嶭貂如玉謝故姬遺媵漸驚他老去依人微溫淡  
軟舊時性 陳陳春綠夏葛肥瘠因誰較量身材剛稱一半肖

人先爲後人估定幾曾見著破千箱多愛惜繡餘一領看收場  
打疊成包那能論皺挺

花發沁園春

欲住

欲住難畱計歸未穩思巢戀棧無主茶壚魁芋病榻秋花那更  
天涯風雨傷心伴侶應小院顰眉無語縱孽海累汝悽惶今生  
何以償補 屈算癡騃嫁娶已花封香車聯袂容與我寧蕩子  
君不夫人薄命聚來一處西津北渡漫指點送行長路側耳偏  
月笛霜鐘谿鐙依約漁戶

癡橫塘

滹沱河

雁門南折以入雙沽

大小直沽也

水經徒駭兼錄逝者如斯流去了王

郎文叔今日錫簫夕陽亭子淺沙遺鏃歎春陵鬱鬱四七中興  
幾兄弟皆魚肉將軍偶復訛言同羣狐竄渡直乃奔鹿上得  
雲臺猶想到射鉤而哭念江上星辰自枉玉潤冰清學梅福一  
椽波瀾富春安穩勝蕪蕪糜鬻

沁園春

登叢臺放歌

高會當年置酒叢臺明鏡既張有五銖一幄綢繡幕座千金雙  
靨白皙清揚妾亦長生君惟不舛月爛星輝照洞房又說甚揆  
些些雀黹骨肉倉皇我來盱眼都鄣便屠狗親蠶事已忘況  
笙歌珠玉臨風則散精神魂魄遇穴而藏來者古人去者明日  
此意悲哀孰可商凭闌久但鳴鳴城角吹入渾漳

賀新郎

容城楊忠愍公祠

昨夜黃封下慘西風銀鑰初繫幽燐獄舍畢竟椒山自有膽何  
用蜉蝣爲者已血月淋漓可怕后土皇天俱作證許孤臣後  
權姦罷洩予皆高廟挂夫人曾亦牽衣語是彷彿王章對泣  
勸君休也何以故園歸未得辜負水流花謝至今日祭公於社  
四十行年頗不天喜刀山劍樹青蓮化畱浩氣吼蒼野

送表姪孫秀才歸湖州

各有滄桑訴憶先人崔盧相匹朱陳已古煙月湖莊隣舊宅何

有家雞野鶩

先司與君家意副爲  
婚媾極一時嫁娶之盛

肯煥館涼堂如故今日殘山秋雨

裏采菱舟所過沙棠路尚指點舊歌舞誰教跌宕如龍虎如

予者何甥謝舅本非其數太史清才寬似海

謂令祖叶  
飛先生

不免驂騑

蹶步想亦是聲華之誤五世獨憐君子澤爲淒然祚薄門衰苦

但努力復何語

曉雞

牆角花冠健抖寒翎引吭乍起淖於銅箭忽地江山如曉鏡此  
物先知神見現有打陣飛蟲撲幔幾許遼鹵剛寢醒卷寒衾雙  
足拳初徧看猊鴨香浮淺 嬾綫煨芋山中館日三竿朝朝晏  
起何曾聽見我獨傷心關甚事酣睡五更不滿已膈膊枕邊悽  
惋最是送人星月下出青軒皓手兜郎腕豈禁平得三聲喚

老女

一點寒鎗穗半闌珊舊紅衫裏含悲擁髻昨夜東隣簫鼓鬧嫁  
女天生歡喜剛十五十三季紀不過尋常脂粉樣會牆頭馬上  
爭夫婿禮豔處紛桃李 儂寧不守先王禮但久貪娘家衣飯  
也無滋味父母相看渾不語脉脉低回而已究何日成人裏子



欲畫蛾眉無把握恐春山愁黛饒餽矣媒與約誰伶俐

戚氏

鍾馗

忽思愁人心思鬼重巫咸遂有夫夫恣其奇醜怒而饒鬚鬚兩  
頤鉗萬妖入口味殷甜唐宗御榻之下緋衣銀帶換青衫猙獰  
餘態偏管婚嫁檢他妹氏珠匳想泰山有女河伯多婦姻婭同  
占閒讀玉藻篇函椎廼利用再與考工參圭三尺鏤形杼上  
刻畫長鎌逞鋒銛大約大雛宜擔豈必鼻觚尻尖漸沿五代寫  
入丹青非復當日頭銜漫侮溫岐甚堯暄小字顯作名鈴亦  
似王家鎮惡迂禎祥五月壁中黏此時艾葉榴花臈餅供養公  
衆揮長劒但舉頭蝙蝠朱砂染何勞得餘氣如魑況聖人日正  
中暹有山魈木魅也淡潛不如歸老隨他捷徑住我終南

竹葉庵文集卷二十八